


CHINESE - JAPANESE LIBRARY
HARVARD-YENCHING INSTITUTE
AT HARVARD UNIVERSITY
APR 15 1952

T2516/7928(81)

唐二

卷之百七十一



史緯目錄

卷一百七十唐書一本紀

高祖

太宗

高宗

中宗

睿宗

玄宗

肅宗

代宗

卷一百七十一唐書二本紀

德宗

順宗

憲宗

穆宗

敬宗

文宗



武宗

宣宗

懿宗

僖宗

昭宗

哀帝

卷一百七十二唐書三志

禮樂

儀衛

車服

卷一百七十三唐書四志

曆

卷一百七十四唐書五志

天文

五行

地理

選舉

百官

兵

卷一百七十五唐書六志

食貨

刑法

藝文

卷一百七十六唐書七列傳

后高祖皇后竇氏

太宗皇后長孫氏

賢妃徐氏

高宗廢后王氏 蕭良娣

皇后武氏

中宗皇后趙氏

庶人韋氏

上官昭容

睿宗皇后竇氏

玄宗皇后王氏

惠妃武氏

貴妃楊氏

肅宗廢后張氏

皇后吳氏

代宗皇后沈氏

順宗皇后王氏

憲宗皇后郭氏

穆宗皇后蕭氏

皇后韋氏

尚宮宋若昭

敬宗貴妃郭氏

武宗賢妃王氏

宣宗皇后臯氏

昭宗皇后何氏

宗室江夏王道宗

襄武公涵

河間王孝恭

淮安王神通

晦

道彥國貞

孝逸說

渤海王奉慈

卷一百七十七唐書八列傳

高祖諸子太子建成

巢王元吉

荆王元景

漢王元昌

徐王元禮

韓王元嘉

霍王元軌

虢王鳳巨

滕王元嬰

太宗諸子太子承乾

吳王恪

魏王泰

齊王祐

越王冲

紀王慎

琮東光縣主

行芳曹王明

三宗太子忠賢諸子

太子重潤

譙王重福

太子重俊

太子憲瑀

岐王範

薛王業

十一宗子孫太子瑛瑒

永王璘

越王係

建寧王倓

襄嗣王煜

漳王湊

太子永

通王滋

德王裕

主公平陽公主

丹陽公主

常樂公主

太平公主

安樂公主

玉真公主

和政公主

漢陽公主

定安公主

萬壽公主

廣德公主

平原公主

卷一百七十八唐書九列傳

李密張善相祖君彥

王世充劉孝孫

竇建德

薛舉仁杲

李軌

劉武周

高開道

劉黑闥

卷一百七十九唐書十列傳

蕭銑

輔公祐

李子通

朱粲

張善安

梁師都

劉文靖

裴寂

姜寶誼 劉師立

許世緒 劉義節

張長慈 馬三寶

屈突通

尉遲敬德

張公謹

秦瓊

唐儉

次持

段志玄

文昌成式

劉政會

奇崇 崇龜 崇魯

許紹

圜師 欽明

欽寂

程知節

柴紹

任瓌

丘和 行恭

温大雅

彦捕造

廷筠

大有 廷皓

皇甫無逸

李襲志

襲與言

姜暮

行本 慶初

皎

崔善為

李嗣真

卷一百八十 唐書十一列傳

杜伏威

王雄誕

苑君璋

羅藝

王君廓

李靖

客師 彦芳

令問

李勣

威思文

敬業

侯君集

張亮

薛萬均

萬徹 盧祖尚

盛彥師

高儉

竇威

軌 德明

抗

靜 德玄

房玄齡

杜如晦

楚客 審權

淹 讓能 元頴

卷一百八十一唐書十二列傳

魏徵

王珪

燾

薛收

元超 伯陽 元敬

馬周

載

韋挺

武石

李綱

安仁 安靜

李大亮

道裕 迥秀

戴胄

劉洎

崔仁師

湜

陳叔達

楊恭仁

思訓 師道

封倫

鄭元壽

權萬紀

懷恩

闞立本

韋弘機

卷一百八十二唐書十三列傳

蕭瑀

鈞 高 華 復 悅 廩 邁 定

岑文本

義 長 倩

虞世南

李百樂

安期

李玄道

姚思廉

壽 班

令狐德棻

烜

李延壽

蘇世長

良嗣 弁

常雲起

方質

孫伏伽

張玄素

于志寧

高季輔

張行成

易之 昌宗

卷一百八十三唐書十四列傳

長孫無忌 趙持滿 順德

褚遂良

韓瑗

來濟 恒 高智周 石仲覽

李義琰 義琛

杜正倫

郭正一

楊弘禮 弘武 助

盧承慶

劉祥道 齊賢

劉審禮 易從 延嗣

邢文偉

傅奕

呂才 方毅

陳子昂

劉仁軌

裴行儉 光廷 均 積

婁師德

崔義玄 神慶 琳

楊再思

竇懷貞

宗楚客 紀處訥

祝欽明 郭山暉

王璵

卷一百八十四唐書十五列傳

諸夷 蕃將 馮盎 智載 子猷

阿史那社尒

阿史那忠

契苾何力

黑齒常之

李謹行

李多祚 李湛

尉遲勝 曜

裴玢

郭孝恪

張儉

王方翼 瑒

蘇烈

薛仁貴

諡平 從

程務挺

唐休璟

張仁愿

王峻

王義方

貞半干

韓思彦

蘇安恒

琬

薛登

王求禮

李令質

柳澤

馮元常

範

元淑

蔣欽緒

唐臨

清

紹

張文瓘

卷一百八十五唐書十六列傳

徐有功

崔融

從安 嶺南 嶺山 彦善

徐彥伯

蘇味道

周允元

狄仁傑

光嗣 兼謨

郝處俊

朱敬則

仁軌

王綝

韋思謙

承慶 嗣立

陸元方

王及善

象先 璟

李日知

杜景佺

裴炎

劉禕之

仙先

郭翰

李玄同

李昭德

吉頊

張廷珪

韋湊 見素 諤

韓思復 朝宗

宋務光

辛替否

李勃

卷一百八十六唐書十七列傳

裴璘 張臯

李中敏 李欵 李甘

武平一

李义

賈至

白居易 敏中

桓彥範 盧襲秀 楊元琰

薛季昶 敬暉

崔玄暉 馮 繼

張柬之

袁恕已 高

劉幽求

崔日用 日知

王晷 張瞻

王毛仲 李守德

魏元忠

韋安石 陟 絀 巨源

郭震

李嶠

蕭至忠

盧藏用

趙彥昭

和逢堯

姚崇

宋璟

卷一百八十七唐書十八列傳

蘇瓌 頌

張說 均 增

盧懷慎

李元紘

杜暹

鴻漸

張九齡

仲方

韓休

混

張嘉貞

延賞 弘靖

源乾曜

裴耀卿

李傑

鄭惟忠

許景先

潘好禮

倪若水

席豫

齊澣

裴守真

子餘 行立

李朝隱

嚴挺之

武 授

裴漼

寬 諱

陽嶠

宋慶禮

楊賜

崔隱甫

李尚隱

宗室李適之

李峴

李勉

李夷簡

李程

李石

福

卷一百八十八唐書十九列傳

劉子玄

迅 敦 儒

吳兢

蔣乂

伸

柳冕

沈既濟

傳 師

郭虔瓘

賈思順

王忠嗣

宇文融

韋堅

楊慎矜

王鉞

哥舒翰 曜

李光弼 郝廷玉 烏承玘

陳利貞

郭子儀 承嘏

馬璘

李抱玉 抱真

卷一百八十九唐書二十列傳

房琯

張鎬

李泌 繁

苗晉卿

裴冕

呂諲

韓全義

盧從史

楊綰

崔祐甫 棣

柳渾

韋處厚

路隋

高適

元結

李承

王翊

來瑱

崔旰

元載 郇謨

王縉

黎幹

楊炎

嚴郢

竇參

卷一百九十唐書二十一列傳

李吉甫

李鄲

魯炆

李茂

李叔明

張孝忠 茂昭 陳楚

康日知 承訓

田弘正 布

王承元

牛元翼

史憲忠

劉晏

第五琦

班宏

李揆

常袞

趙憬

崔造

盧邁

關播

董晉 陸長源

趙宗儒

張鑑

姜公輔

武元衡 儒衡

李絳

宋申錫

卷一百九十一 唐書二十二列傳

段秀實 珂

顏真卿

李晟 愿 憲 王 佖 朱忠亮 聽

馬燧 李自良

渾瑊

楊朝晟

陽惠元

路元光

韋游瓌

杜希全

陸贄

卷一百九十二唐書二十三列傳

韋臯

張建封情

嚴震

韓弘公武

蕭昕

薛播公達

陸亘

盧坦

柳晟

劉寬夫

徐晦

韋綬

張薦

王仲舒

姚南仲

曹文洽

獨孤朗

顧少逸

韋夏卿

呂元膺

許孟容

薛存誠

廷老

李遜

建

孔巢父

致溫業 緯

穆寧

崔郾

柳公綽

仲郢子華

公權公度

楊於陵

歸崇敬

登融

衛次公

薛戎

放

胡証

崔玄亮

殷侑

盈孫

王彥威

鄭餘慶

卷一百九十三唐書二十四列傳

鄭珣瑜

單朗

裔綽

高郢

定

鄭綱

權德輿

璩

崔群

賈耽

杜佑

崇

嶺

令狐楚

絢

裴延齡

皇甫鎛

王播

起式

龜

王叔文

王伾 陳諫

劉禹錫

柳宗元

杜黃裳

裴均

李藩

卷一百九十四唐書二十五列傳

韋貫之

溫

綬

劉昌裔

王鏐

王栖曜

李景畧

任迪簡

張萬福

郝玼

史敬奉

野詩良輔

李光顏

光進

烏重胤

石洪

王逢

石雄

杜羔

中立

裴度

識

李逢吉

元稹

牛僧孺

敬

李宗閔

楊嗣復

損

竇群

劉栖楚

張又新

楊虞卿 漢公

張宿

栢耆

卷一百九十五唐書二十六列傳

韓愈 孟郊 盧仝 張籍 賈島 皇甫湜 劉義

錢徽

崔咸

常表微

高湜 銖 錯

馮宿 定

李虞仲

李翱

高元裕 少逸

封敖

李景讓

劉蕡 李邵 羅衮

李訓

鄭注

王涯

賈餗

舒元興

王璠 郭行餘 羅立言

卷一百九十六唐書二十七列傳

李德裕 劉鄴

陳夷行

李紳

曹確

劉瞻

李固言

李珣

盧鈞

周墀

裴休

劉塚

趙隱

裴坦贊

畢誠

崔彥昭

陸辰

鄭察

朱朴孫偓

韓偓

楊收

路巖

盧攜

鄭畋

王鐸

王徽

韋昭度

張濬

劉巨容

楊晟

王重榮玘

高仁厚

卷一百九十七唐書二十八列傳

忠義劉感

常達

安金藏本

王同皎

吳保安郭仲翔

盧奕

顏杲卿袁履謙

賈隱林

張巡許遠 南霽雲 雷萬春 姚閻

龐堅薛愿

張興

蔡廷玉

苻全奇璘

劉迺

孟華

張仝

張名振

石演芬

吳淑

賈直言

辛儼

黃碣

吳錄張遜

孫揆

卓行元德秀

權臯

甄濟

陽城 何蕃

司空圖

孝友李知本

張志寬

劉君良

鄭潜曜

沈季詮

上博武

李源

殷亮

王君操等

卷一百九十八唐書二十九列傳

隱逸王績 仲長子光負苓者

朱桃椎

孫思邈

田游巖

孟詵

武攸緒

司馬承禎

賀知章

張志和

崔覲

陸龜蒙

循吏韋仁壽

陳君賓

張允濟

李桐客

李素立

薛大鼎

克構

賈敦實

田歸道

裴懷古

韋景駿

袁滋

韋丹宙

崔戎

盧弘宣

何易于

儒學徐曠

孔穎達

歐陽詢

朱子奢

張士衡

賈大隱

張後胤

蓋文達

文懿

谷從政

敬播

徐齊聃

堅

王紹宗

盧粲

尹知章

張齊賢

柳冲

孔至

褚無量

元澹

陳貞節

施敬本

盧履冰

趙冬曦

盧備

韋彤

陳京

暢當

林蘊

韋公肅

許康佐

卷一百九十九唐書三十列傳

文藝 袁承序

崔信明

張昌齡

杜審言

甫并

王勃

勳助 盧照鄰

楊炯 駱賓王

元萬頃

正 胡楚賓

李適

宋之問 闢朝隱

李邕

孔璋

呂向

李白

張旭 裴文

僧懷素

王維

丘為

鄭虔

蕭穎士

李華

李翰

孟浩然

崔顥

歐陽詹

李賀

吳武陵

薛廷珪

吳道元

楊惠之

李淳風

僧一行

甄權

立言 張文仲

許胤宗

袁天綱

客師 金梁鳳

張景藏

王遠知

潘師正

葉法善

明崇儼

嚴譔

杜生

張果

羅思遠

姜撫

桑道茂

列女 王蘭英

李氏

敬氏

衛無忌

盧氏

夏侯碎金

張氏

賈孝女

魏氏

李畬母

顏氏

李氏

符鳳妻

秦氏

饒娥

竇伯女仲女

李氏

高妹妹

楊氏

奚氏 唐氏

高氏 王氏

侯氏

董氏

李妙法

謝小娥

蕭氏

程氏

崔氏

封綯

竇氏

盧氏

趙氏

周迪妻

王氏

外戚 獨孤懷恩

武士護

承嗣 三思

周仁軌

楊國忠

卷二百唐書三十一列傳

宦者 高力士

李輔國

程元振

魚朝恩

竇文場 霍仙鳴

吐突承璀

馬存亮

嚴遵美

劉克明

仇士良

楊復光

田令孜

楊復恭

劉季述

韓全誨 張彥弘

酷吏索元禮

來俊臣 周興 丘神勣

侯思止

王弘義

郭弘霸

姚紹之

周利貞

王旭

吉温 羅希奭

崔器

敬羽

卷二百一 唐書三十二列傳

藩鎮 魏博 田承嗣

史憲誠

何進滔

韓君雄

樂彥禎

羅弘信

鎮 冀 李寶臣

王武俊

王廷湊

盧 龍 李懷仙

朱滔

劉怱

朱克融

李載義 楊志誠 史元忠

張仲武

張允伸 張公素

李茂勳

李全忠

淄 青 李正己

宣 武 劉玄佐 李萬榮

彰 義 吳少誠

澤 潞 劉悟 李丕

卷二百二 唐書三十三列傳

突厥

吐蕃

卷二百三唐書三十四列傳

回鶻

北狄契丹

渤海

東夷高麗

百濟

新羅

卷二百四唐書三十五列傳

西域高昌

吐谷渾

焉耆

龜茲

于闐

天竺

南蠻南詔

訶陵

兩爨

西原

卷二百五唐書三十六列傳

姦臣許敬宗

李義甫

傅游藝

李林甫

盧杞

崔胤

柳璨

蔣玄暉

叛臣僕固懷恩

李懷光

李忠臣

喬琳

高駢

王行瑜

陳敬瑄

逆臣安祿山

史思明

李希烈

朱泚

黃巢

秦宗權

董昌

李嗣

李嗣

李嗣

李嗣

李嗣

卷一百五十五書二十六版

兩

西

進新唐書表

竊惟唐有天下，幾三百年，其君臣行事之始終，所以治亂興衰之蹟，與其典章制度之英，宜其粲然著在簡冊，而紀次無法，詳畧失中，文采不明，事實零落，蓋又百有五十年，然後得以發揮幽泯，補緝闕亡，黜正偽謬，克備一家之史，以為萬世之傳，成之至難，理若有待，伏惟皇帝陛下，有虞舜之智而好問，躬大禹之聖而克勤，天下和平，民物安樂，而猶垂心積精，以求治要，日與鴻生舊學，講誦六經，考覽前古，以謂商周以後，為國長久，惟漢與唐，而不幸接乎五代衰世之士，氣力卑弱，言淺意陋，不足以起其文，而使明君賢臣，雋功偉烈，與夫

事增文安
得省此新
唐書所以
不佳也

昏虐賊亂禍根罪首皆不得暴其善惡以動人耳目誠不可
以垂勸戒示久遠甚可歎也乃因邇臣之有言適契上心之
所閱於是刊修官翰林學士臣脩吏部侍郎臣祁等竝膺儒
學之選悉發祕府之藏俾之討論共加刪定凡十有七年成
二百二十五卷其事則增於前其文則省於舊至於各篇著
目有革有因立傳紀實或增或損義類凡例皆有據依纖悉
綱條具載別錄臣公亮典司事領徒費日月誠不足以成大
典稱明詔無任慙懼屏營之至嘉祐五年六月某日提舉編
修叅知政事臣曾公亮上表

史緯卷一百七十

唐書一

宋廬陵歐陽脩撰著
清溫陵陳允錫刪修

本紀

高祖神堯皇帝諱淵姓李氏隴西成紀人七世祖暠當晉末
據秦涼自王薨謚武昭暠生歆為沮渠蒙遜所滅歆生重耳
重耳生熙成於武川因家焉熙生天賜天賜生虎佐周代魏
有功為柱國追封唐國公謚曰襄虎生昞襲封唐公薨謚曰
仁仁公生高祖於長安體有三乳性寬仁襲封唐公隋文帝

獨孤皇后高祖從母也文帝以為岐州刺史遷衛尉少卿煬帝征遼東遣高祖督運糧於懷遠鎮楊玄感將反其兄弟從征遼者皆逃歸高祖以聞煬帝遽班師以高祖為弘化留守禦玄感詔關右諸郡兵受高祖節度時天下大亂煬帝猜忌殺戮大臣高祖嘗遇疾有甥女王氏在後宮煬帝問之曰汝舅可得死否高祖聞之懼因縱酒納賂以自晦大業十一年拜山西河東慰撫大使擊龍門賊馬端兒射七十發皆中賊敗斂其尸以築京觀盡得箭於其尸擊絳州賊柴保昌降其眾數萬人突厥犯塞高祖兵少不敵乃自選精騎二千為游軍隨水草如突厥射獵馳騁示以閒暇別選善射者為奇兵

虜見高祖疑不敢戰高祖乘而擊之突厥敗走十三年拜太原留守時煬帝南遊江都天下盜起高祖子世民知隋必亡陰結豪傑招納亡命與晉陽令劉文靜謀舉大事恐高祖不聽時高祖領晉陽宮監所善裴寂為副世民陰與寂謀寂選晉陽宮人私事高祖高祖過寂飲酒酣寂具以告高祖大驚寂曰正為宮人奉公事發當誅故為此爾世民入白其事高祖許之然未有以發而所在盜賊蜂起突厥數犯邊高祖兵出無功煬帝遣使者執高祖詣江都世民曰事急矣當舉大事已而煬帝馳使者赦高祖其事遂已劉武周起馬邑稱皇帝攻汾陽宮高祖集將吏曰吾為留守賊若據離宮罪當死

然出兵必待報。今江都隔遠，且後期，奈何？將吏曰：國家之利，可專者公也。高祖乃募兵，旬日間得衆一萬，副留守王威、高君雅見兵集，疑有變，謀圖高祖。高祖知之，五月，高祖及威、君雅視事，司馬劉政會告威、君雅反，卽坐上執之。時突厥犯邊，高祖令軍中曰：人告威、君雅召突厥，遂殺之。遣劉文靜使突厥，約和。傳檄諸郡，稱義兵。開大將軍府，置三軍。以子建成爲隴西公、左軍隸焉；世民爲燉煌公、右軍隸焉；元吉爲姑臧公、中軍隸焉。裴寂爲長史，劉文靜爲司馬，開倉庫賑窮乏。七月，高祖杖白旗，誓衆於野，有兵三萬。以元吉爲留守，遂發太原，遣將張綸、狗下離、石龍泉、文城三郡。次靈石，隋虎牙郎將宋

老生屯於霍邑，以拒義師。八月，敗宋老生，下臨汾絳郡。次龍門，突厥來助。隋驍衛大將軍屈突通守河東，絕津梁。馮翊賊孫華、土門賊白玄度皆具舟來逆。高祖祀河，遂濟。攻長春宮，建成屯永豐倉，守潼關。世民自渭北，狗三輔，從父弟神通起兵于鄠。高祖女柴氏起兵於司竹，與世民會，略定鄠杜。高祖次馮翊，世民屯阿城，建成自新豐趨霸上。高祖所經，隋行宮苑，悉罷之。出宮女，還其家。次長樂宮，有衆二十萬。隋留守衛文昇奉代王侑守京城。高祖遣使諭之，不報，乃圍城。令曰：犯隋七廟及宗室者，罪三族。十一月，克京城，命主簿郎宋公弼收圖籍，約法十二條。殺人、劫盜、背軍、叛者死。遙尊煬帝爲

太上皇立代王爲皇帝大赦改元義寧隋帝授高祖假黃鉞
大都督內外諸軍事大丞相錄尚書事進封唐王以武德殿
爲丞相府十二月趙郡公孝恭徇南山雲陽令詹俊徇巴蜀
二年正月以建成爲左元帥世民爲右元帥徇東都二月太
常卿鄭元璠定樊鄧使者馬元規徇荆襄三月以元吉爲太
原道行軍元帥隋右屯衛將軍宇文化及弒太上皇於江都
立秦王浩爲皇帝五月隋帝遜於位以刑部尚書蕭造司農
少卿裴之隱奉皇帝璽紱於唐王三讓乃受武德元年夏五
月甲子卽皇帝位於太極殿命蕭造兼太尉告於南郊大赦
義師所過給復三年其餘給復一年改郡爲州太守爲刺史

隋東都留守元文都左衛大將軍王世克立越王侗爲皇帝
六月以世民爲尚書令裴寂爲尚書右僕射知政事追謚皇
高祖曰宣簡公皇曾祖曰懿王皇祖曰景皇帝祖妣梁氏曰
景烈皇后皇考曰元皇帝妣獨孤氏曰元貞皇后妃竇氏曰
穆皇后立世子建成爲皇太子封世民爲秦王元吉爲齊王
薛舉寇涇州以秦王世民爲元帥西討奉隋帝爲鄴國公詔
曰近世時運遷革前代親族莫不夷絕曆數有歸實惟天命
興亡之效豈伊人力前隋子孫皆選用之七月廢隋離宮八
月約功臣恕死罪贈隋太常卿高頴鄴國公上柱國賀若弼
杞國公司隸大夫薛道衡臨河公刑部尚書宇文弼平昌公

諸大有
係直享
之長也

左翊衛將軍董純狄道公右驍衛將軍李金才申國公左光祿大夫李敏觀國公諸遭隋枉殺子孫被流者皆還之九月慮囚始置軍府班銅魚符宇文化及弑秦王浩自稱皇帝十月李密降十一月禁獻侏儒短節小馬庫牛異獸奇禽薛舉死秦王世民執其子仁杲十二月光祿卿李密反伏誅二年二月初定租庸調法令文武官終喪閏月竇建德殺宇文化及於聊城命皇太子及秦王世民裴寂巡畿縣上微行察風俗以穀貴禁關內屠酤四月齊王元吉及劉武周戰於榆次敗績王世克廢越王侗自稱皇帝旋殺侗六月立周公孔子廟於國子監八月鄴國公薨九月殺戶部尚書劉文靜十月

命秦王世民討劉武周十一月竇建德陷黎州執淮安王神通三年四月秦王世民及劉武周戰於洛州敗之武周亡入突厥克并州五月詔隋帝及其宗室樞在都者爲營室置陵廟以故宮人守之出宮女五百人賜東征將士有功者瘞州縣暴骨七月命秦王世民討王世克四年四月突厥寇并州執漢陽王瓌五月秦王世民敗竇建德於虎牢執之王世克降竇建德伏誅大赦給復天下一年劉黑闥反於貝州魏州刺史權威貝州刺史戴元祥死之九月命夔州總管趙郡王孝恭討蕭銑十月孝恭敗蕭銑於荊州執之閏月幸舊墅獵於好畤九畝仲山清水遂幸三原如周氏陂十一月有事於

南郊五年三月秦王世民及劉黑闥戰於洛水敗之黑闥亡
 入突厥六月黑闥與突厥寇山東八月葬隋煬帝突厥寇邊
 命皇太子出幽州道秦王世民出秦州道以禦之十一月黑
 闥陷滄州命皇太子討黑闥十二月皇太子及黑闥戰於魏
 州敗之六年正月黑闥將葛德威執黑闥以降伏誅四月以
 故第為通義宮祭元皇帝元貞皇后於舊寢十月殺廣州都
 督劉世讓突厥請和十二月以奉義監為龍躍宮武功宅為
 慶善宮七年二月釋奠於國學四月大赦班新律令五月作
 仁智宮七月突厥寇朔州命秦王世民齊王元吉屯幽州以
 備之八月突厥請和裴寂使於突厥十月如慶善宮獵於鄆

南幸終南山謁樓觀老子祠十二月如龍躍宮八年四月如
 鄆獵於甘谷作太和宮八月并州總管張瑾及突厥戰於太
 谷敗績鄆州都督張德政死之執長史溫彥博是月任城王
 道宗敗突厥於靈州突厥請和九年六月太白經天秦王世
 民殺皇太子建成齊王元吉大赦立秦王世民為皇太子聽
 政幽州都督廬江王瑗反伏誅八月皇太子即皇帝位貞觀
 九年五月庚子太上皇崩在位九年年七十一葬獻陵論曰
 唐在周隋之際雖云貴顯然非有積功累仁之漸高祖之興
 亦何異因時而特起者歟人厭隋亂而蒙德澤繼以太宗之
 治後世因之承天永命其有天下幾三百年可謂盛矣

太宗文皇帝諱世民高祖次子也太穆皇后竇氏生而不驚方四歲有書生謁高祖曰公必有貴子及見太宗曰龍鳳之姿天日之表其年幾冠必能濟世安民語畢而去使人追之不知何往因以爲神採其語名之曰世民大業中突厥圍煬帝於鴈門煬帝以木繫詔書投汾水而下募兵赴援太宗年十六應募隸將軍雲定興謂定興曰虜敢圍天子者以爲無援故也今宜大張吾軍前後數十里使其晝見旌旗夜聞鉦鼓以爲援軍大至可不擊而走不然知我虛實勝敗未可知也定興從之軍至崞縣突厥候騎望見軍來不絕馳告始畢可汗曰救兵大至矣遂引去太宗爲人聰明英武見隋室方

亂傾身下士散財結客長孫順德與劉弘基因事亡命匿之與晉陽令劉文靜善文靜坐與李密連昏繫獄太宗就獄中見之與圖大事陰部署賓客恐高祖不從會突厥寇馬邑高祖遣高君雅王仁恭拒之不利而返懼并獲罪太宗乘間說高祖曰今主上無道晉陽城外皆爲戰場大人若守小節下有寇盜上有嚴刑危亡無日矣若順民心興義兵可轉禍而爲福也高祖大驚曰汝安得爲此言乎吾今執汝太宗曰世民覩天時人事如此故耳高祖曰吾不執汝汝慎勿出口也明日太宗復曰人皆傳李氏當應圖讖故李金才無罪一朝族滅願大人勿疑高祖歎曰吾一夕思汝言亦大有理今日

破家亡軀亦由汝化家為國亦由汝矣。裴寂嘗以晉陽宮人侍高祖，高祖從寂飲酒，寂從容言曰：「二郎陰養死士，欲舉大事，正為寂以宮人侍公，恐事覺并誅耳。眾情已協，公意何如？」高祖曰：「事已如此，正須從之耳。」太宗與劉文靜等出募兵，遠近赴集。文靜勸高祖與突厥結好，高祖起兵。太宗徇西河，斬郡丞高德儒。會天雨久不止，軍中糧乏。或傳突厥與劉武周乘虛欲襲晉陽，高祖將北還。太宗曰：「禾穀被野，何憂乏糧？武周與突厥外雖相附，內實相猜。本興大義，奮不顧身以救蒼生，當直入咸陽，號令天下。今遇小敵，遂遽班師，恐從義之徒朝解體，還守太原一城之地為賊耳。將何以自全？」高祖不

所謂號泣而隨之

聽促令引發，太宗復入不得，號哭於外。聲聞帳中，高祖驚問之。太宗曰：「兵以義動，進戰則克，退還則散。眾散於前，敵乘於後，死亡無日，安得不悲乎？」高祖乃悟曰：「軍已發，奈何？」太宗曰：「右軍嚴而未發，左軍去亦未遠，請自追之。」乃分道夜出軍，還太原。運糧亦至，宋老生守霍邑不出。太宗從數騎，傅其城，舉鞭指麾，若將圍之。老生怒，出背城陣。高祖率建成居其東，太宗居其南。老生兵薄東陣，建成墜馬。老生乘之，高祖軍却。太宗自南原馳下，斷其軍為二，出其陣後還攻之。老生敗走，追斬之。高祖欲引兵西趣長安，裴寂曰：「屈突通擁大眾，憑堅城，吾捨之而去，若攻長安不克，退為河東所踵，腹背受敵，此危

太宗每戰
喜出敵後
還攻之

道也。太宗曰：不然。兵貴神速。吾席累勝之威，撫歸附之衆，鼓行而西。長安之人望風震駭，知不及謀，勇不及斷，收之若振槁耳。高祖兩從之，留諸將圍河東，自引軍西攻長安。太宗屯金城坊，攻其西北，克之，遂入長安。武德元年，爲尚書令，封秦王。薛舉寇涇州，太宗爲元帥西討，屯於高塢，相持六十餘日，舉死，其子仁杲率衆求戰。太宗按軍不動，久之，仁杲糧盡，衆稍離叛。太宗曰：可矣。遣總管梁實、柵淺水原，仁杲遣宗羅睺擊實。太宗命將軍龐玉救之，自率兵出其後，羅睺敗走。太宗追至城下，仁杲降。師還，高祖遣李密勞之，密見太宗，不敢仰視，退而嘆曰：真英主也。時劉武周據并州，宋金剛陷滄州，王

行本據蒲州，高祖懼，詔諸將棄河東，守關中。太宗曰：太原王業所基，國之根本，河東殷實，京邑所資，願假臣精兵三萬，必平武周，克復汾晉。於是發關中兵以益之。太宗自龍門渡，屯柏壁，與金剛相持。金剛戰屢敗，食盡，北走。太宗追及，大破之，乘勝逐北，一晝夜行二百餘里，戰數十合。劉弘基曰：大王深入不愛身乎？太宗曰：金剛計窮而走，衆心離阻，宜乘勢攻之。若更淹留，使之計立備成，則不可攻矣。進追金剛，及於鼠雀谷，一日八戰，大破之。太宗不食，二日不解甲，三日矣。復引兵趣介休，金剛將尉遲敬德尋相舉介休降。太宗以爲統軍使，將其舊衆，與諸營相叅。武周奔突厥，其將楊伏念舉并州降。

七月討王世克敗之於北邙四年二月竇建德率兵十萬援世克太宗敗建德於虎牢執之世克降六月凱旋太宗被金甲陳鐵騎一萬介士三萬前後鼓吹獻俘於太廟高祖以太宗功高古官號不足以稱乃加號天策上將領司徒陝東道大行臺尚書令位在王公上遂開館以延文學之士五年正月討劉黑闥於洛州黑闥既降復反高祖怒命太子建成取黑闥降卒男子十五以上悉阬之驅其小弱婦女以實關中太宗切乃止七年突厥寇邊太宗遇於幽州從百騎與可汗盟而八年進中書令初高祖起太原事出太宗及取天下破宋金剛王世克竇建德等太宗功益高高祖許以為太

子太子建成懼與齊王元吉謀害太宗九年六月太宗以兵入玄武門殺太子建成及齊王元吉高祖大驚乃以太宗為皇太子秋八月甲子即皇帝位於東宮遣裴寂告於南郊大赦還流人賜文武官勳爵免關內二歲租給復天下一年民八十以上賜粟帛百歲加版授廢潼關以東瀕河諸開放宮女三千餘人立妃長孫氏為皇后突厥寇便橋及頡利盟九月禁私家妖神淫祀占卜非龜易者十月立中山王承乾為皇太子十一月降宗室郡王非有功者爵為縣公十二月慮囚貞觀元年正月燕郡王李藝反於涇州伏誅二月詔民男二十女十五以上無夫無妻者州縣以禮聘娶貧不能自行

帝未耕籍
而后先蠶

者鄉里富人及親戚資送之鰥夫六十寡婦五十婦人有子
若守節者勿彊三月皇后親蠶詔齊僕射崔季舒黃門侍郎
郭遵尚書右丞封孝琰以極言蒙難季舒子剛遵子雲孝琰
子君遵並及淫刑宜褒敘以官四月涼州都督長樂王幼良
有罪伏誅五月勅中書令侍中朝堂受訟辭有陳事者悉上
封六月以蕭瑀爲尚書左僕射山東旱免今歲租七月以長
孫無忌爲尚書右僕射九月遣使諸州行損田賑問下尸十
月以歲飢減膳十二月利州都督李孝常右武衛將軍劉德
裕謀反伏誅二年二月命中書門下尚書議決死罪遣使巡
關內出金寶贖饑民鬻子者還之庚午以旱蝗責躬大赦癸

酉雨四月瘞隋暴骸六月詔出使官稟食其家辰州刺史裴
虔通以弑隋煬帝削爵流驩州萊州刺史牛方裕絳州刺史
薛世良廣州長史唐奉義虎牙郎將高元禮以宇文化及之
黨除名徙邊八月省冤獄於朝堂立二王後以有年賜酺三
日十一月有事於南郊三年正月享於太廟耕籍田二月以
房玄齡爲尚書左僕射杜如晦爲右僕射魏徵爲秘書監參
預朝政四月太上皇徙居大安宮始御太極殿賜孝義粟五
斛八十二斛九十三斛百歲加絹二疋婦人產子者粟一斛
六月以旱慮囚詔文武官言事八月以李靖爲定襄道大總
管李世勣爲通漠道總管柴紹爲金河道總管任城王道宗

爲大同道總管衛孝節爲恒安道總管薛萬淑爲暢武道總管伐突厥爲死兵者立浮屠祠上日引諸衛將率習射顯德殿嘗言自少經略四方頗知用兵之要每觀敵陳則知其強弱常以吾弱當其強強當其弱彼乘吾弱逐奔不過數十百步吾乘其弱必出其陳後反而擊之無不潰敗矣上於弘文殿聚四庫書二十餘萬卷置館於殿側選天下文學之士虞世南褚亮姚思廉歐陽詢蔡允恭蕭德言等以本官兼學士令更日宿衛聽朝之隙引入內殿講論商確夜分乃罷取三品以上子孫充弘文館學生分天下爲十道謂蕭瑀曰朕少得良弓十數自謂無以加近以示弓工乃曰皆非良材木心

不正則脉理皆邪弓雖勁而發矢不直朕以弓矢定四方識之猶未能盡况天下之務乎乃命京官五品以上更宿中書內省舊制軍國大事則中書舍人各執所見雜署其名謂之五花判事。中書侍郎中書令省審之給事中黃門侍郎駁正之至是上謂王珪曰國家置中書門下以相檢察正以人心所見互有不同論難往來務求至當舍已從人亦復何傷卿曹當狗公忘私勿雷同也又謂侍臣曰中書門下機要之司詔勅有不便者皆應論執比來唯順從不聞違異若但行文書誰不可爲何必擇才也又曰爲朕養民者惟在都督刺史朕疏其名於屏風坐臥觀之得其在官善惡之迹皆注於名

史經 卷之一百七十一
下以備黜陟縣令尤爲親民不可不擇詔自今奴告主者斬
是歲中國人歸自塞外及開四夷爲州縣者百二十餘萬人
四年正月丁卯朔日有食之武德殿北院火二月李靖及突
厥戰於陰山敗之以早詔公卿言事三月李靖俘突厥頡利
可汗以獻四月西北君長請上號爲天可汗六月發卒治洛
陽宮九月禁芻牧於古明君賢臣烈士之墓十一月除鞭背
刑是歲天下斷死罪二十九人五年五月以金帛購隋人沒
於突厥者八月殺大理丞張蘊古十二月詔決死刑京師五
覆奏諸州三覆奏其日毋進酒肉六年正月乙卯朔日有食
之三月如九成宮七月詔天下行鄉飲酒頒所定五經於天

下京畿旱蝗上在苑中掇蝗祝之曰人以穀爲命百姓有過
在予一人但當蝕我無害百姓遂吞之是歲蝗不爲災十二
月慮囚縱死囚三百九十人歸其家諸羌內屬者三十萬人
七年正月斥宇文化及黨人子孫勿齒九月縱囚來歸赦之
八年正月遣使循省天下五月吐谷渾寇涼州十二月以李
靖爲西海道大總管侯君集爲積石道總管任城王道宗爲
鄯善道總管膠東公道彥爲赤水道總管李大亮爲且末道
總管高甌生爲鹽澤道總管伐吐谷渾從太上皇閱武於城
西九年五月太上皇崩命皇太子聽政李靖及吐谷渾戰敗
之十月葬太上皇帝於獻陵十年正月復聽政三月出諸王

爲都督六月皇后崩十一月葬文德皇后於昭陵十一年正月作飛山宮二月營九峻山昭陵賜功臣密戚陪塋地及祕器如洛陽宮六月幸明德宮七月大雨水穀洛溢詔百官言事廢明德宮之玄圃院賜遭水家給亳州老子廟兗州孔子廟戶各二十以奉享復涼武昭王墓戶二十以守衛九月河溢壞陝州河北縣幸白司馬坂觀之賜瀕河遭水家粟帛十月賜先朝謀臣武將及親戚亡者塋陪獻陵十二年二月如河北縣觀底柱如陝州觀鹽池如蒲州如長春宮獵於河濱十三年正月拜獻陵賜宿衛陵邑郎將三原令爵一級四月如九成宮中郎將阿史那結社率反伏誅五月以旱避正殿

詔五品以上言事減膳罷役理囚賑乏雨十二月以侯君集爲交河道大總管伐高昌十四年正月有司讀時令二月觀釋奠於國學賜學官高第生帛求梁阜侶褚仲都周熊安生沈重陳沈文阿周弘正張譏隋劉焯劉炫之後八月作襄城宮侯君集克高昌俘其王以獻十五年正月如洛陽宮次溫湯三月如襄城宮四月詔以來歲二月有事於泰山六月有星孛於太微停封泰山避正殿減膳七月宥周隋忠臣子孫及貞觀以後流配者十一月薛延陀寇邊以李世勣爲朔州道總管李大亮爲靈州道總管李襲譽爲涼州道總管以伐之十二月命三品以上嫡子事東宮李世勣及薛延陀戰於

史綱 卷之二十一
諾真水敗之，贈戰亡將士官三轉。十六年正月，遣使安撫西州，犯流死亡匿者，聽自首應募，又徙天下死罪囚實西州。十一月，幸慶善宮。十七年正月，代州都督劉蘭謀反，伏誅。二月，圖功臣於凌烟閣。三月，齊王祐反，命李世勣討之，以旱遣使覆囚決獄。齊王祐伏誅。四月，廢皇太子承乾為庶人。漢王元昌、侯君集等伏誅，立晉王治為皇太子，大赦。謝承乾之過於太廟，降封魏王泰為東萊郡王。六月，葬隋恭帝，以早避正殿減膳，詔京官五品以上言事。閏月，詔皇太子與左右屯營兵。十月，建諸州邸於京城，上見實錄書六月四日事，語多微隱，謂房玄齡曰：昔周公誅管蔡以安周，季友鳩叔牙以定魯，朕

之所為亦類是耳。史官何諱焉。十八年正月，如鍾官城，如鄠，幸溫湯。二月，如零口。七月，遣張儉率幽營兵及契丹奚伐高麗。八月，以郭孝恪為西州道總管，伐焉耆。九月，孝恪及焉耆戰敗之。十月，宴雍州父老於上林苑，賜粟帛。如洛陽宮。十一月，以張亮為平壤道大總管，李世勣馬周為遼東道大總管，率十六總管兵伐高麗。十九年二月，如洛陽宮，以親征高麗獵於武德北山，命皇太子監國，賜所過高年鰥寡粟帛，贈比干太師謚忠烈。四月，誓師於幽州，大饗軍。李世勣克蓋牟城，五月，平壤道總管程名振克沙卑城，次遼澤，瘞隋人戰亡者。遼東道總管張君乂有罪，伏誅。克遼東城。六月，克白巖城，大

敗高麗於安市東左武衛將軍王君愕死之七月葬死事官加爵四級以子襲九月班師十月次營州以太牢祭死事次漢武臺刻石紀功十一月大饗軍於幽州次易州平壤道總管張文幹有罪伏誅次定州十二月次并州殺黃門侍郎劉洎二十年正月遣使二十二人以六條黜陟於天下赦并州起義時編戶給復三年後附者一年三月至自高麗不豫皇太子聽政刑部尚書張亮謀反伏誅六月命江夏王道宗李世勣伐薛延陀七月疾愈李世勣及薛延陀戰敗之八月如靈州次涇州賜高年鰥寡粟帛踰龍山關次瓦亭觀牧馬許陪陵者子孫從葬九月遣使巡察嶺南鐵勒諸部請上號爲

可汗十一月詔大事以聞餘委皇太子二十一年正月詔來歲二月有事於泰山以鐵勒諸部爲州縣二月皇太子釋菜於太學三月以牛進達爲青丘道大總管李世勣爲遼東道大總管率三總管兵伐高麗四月作翠微宮五月幸翠微宮命百司決事於皇太子李世勣克南蘇木底城六月遣使鐵勒諸部購中國人陷沒者七月牛進達克石城作玉華宮八月泉州海溢停封泰山十二月以契苾何力爲崑丘道大總管率三總管兵伐龜茲二十二年正月以薛萬徹爲青丘道大總管伐高麗六月遣太子少詹事張行成存問河北從軍者家令州縣爲營農薛萬徹及高麗戰於泊灼城敗之七月

殺華州刺史李君美八月遣執失思力伐薛延陀餘部於金山九月崑丘道總管阿史那社尔及薛延陀餘部處月處密戰敗之十月阿史那社尔及龜茲戰敗之俘龜茲王以獻上作帝範十二篇以賜太子諭之曰吾卽位以來不善雖多顧弘濟蒼生肇造區夏汝今無我之功勤而承我之基業苟竭力爲善則國家僅安若驕惰奢縱則一身不保且成遲敗速者國也失易得難者位也可不惜哉二十三年三月上不豫命皇太子聽政於金液門四月幸翠微宮五月貶兵部尙書李世勣爲夔州都督己巳皇帝崩於含風殿在位二十三年年五十三奉大行御馬輿還京師以禮部尙書于志寧爲侍

中太子少詹事張行成兼侍中高季輔兼中書令發喪葬昭陵論曰甚矣至治之君不世出也禹有天下傳十有六王而少康有中興之業湯有天下傳二十八王其甚盛者號稱三宗武王有天下傳三十六王成康之治與宣之功其餘無所稱焉三代千七百餘年傳七十餘君其卓然著見於後世者此六七君而已嗚呼可謂難得也唐有天下傳世二十其可稱者三君玄宗憲宗皆不克終盛哉太宗之烈也其除隋之亂比迹湯武致治之美庶幾成康功德兼隆由漢以來未之有也至其牽於多愛復立浮圖好大喜功勤兵於遠此中主之所常爲然春秋之法責備賢者君子成人之美每嘆息於

斯焉

高宗皇帝諱治，太宗第九子也。始封晉王，太子承乾廢，魏王泰次當立，亦以罪黜，乃立治爲皇太子。太宗嘗命皇太子遊觀習射，太子辭以非所好，願得奉至尊居膝下。太宗大喜，乃營寢殿側爲別院，使太子居之。太宗每視朝，皇太子常侍觀決庶政。二十三年，太宗有疾，詔皇太子聽政於金液門。四月，從幸翠微宮。太宗崩，以羽檄發六府甲士衛皇太子入於京師。六月甲戌，卽皇帝位。大赦，賜文武官勲一轉，民八十以上粟帛，給復雍州及比歲供軍所一年，以長孫無忌爲太尉。八月，河東地震，遣使存問，給復二年，賜壓死者人絹三疋。九月，

以李勣爲尚書僕射。十一月，命左翊衛郎將高侃伐突厥，永徽元年正月立妃王氏爲皇后。九月，高侃俘突厥車鼻可汗以獻。十二月，琰州獠寇邊，梓州都督謝萬歲死之。二年正月，開義倉以賑民。九月，以同州苦泉牧地賜貧民。十一月，有事於南郊，禁進犬馬鷹鶻。三年正月，享於太廟，耕籍田。七月，立陳王忠爲皇太子。大赦。四年二月，駙馬都尉房遺愛、薛萬徹、柴令武、高陽巴陵公主謀反，伏誅，殺荆王元景、吳王恪。四月，以旱慮囚，遣使決天下獄，減回中太僕馬粟，詔文武官言事，避正殿，減膳。五年十月，築京師羅郭，起觀於九門。六年正月，拜昭陵以少牢祭陪葬者。二月，遣程名振、蘇定方伐高麗，及

高麗戰於貴端水敗之九月貶尚書右僕射褚遂良為潭州都督十月廢皇后為庶人立宸妃武氏為皇后見於太廟停諸州貢珠皇后殺王庶人顯慶元年正月廢皇太子為梁王立代王弘為皇太子二年閏正月如洛陽宮以蘇定方為伊麗道總管伐賀魯三月禁舅姑拜公主父母拜王妃五月幸明德宮十二月蘇定方敗賀魯於金牙山執之以洛陽宮為東都三年六月程名振及高麗戰於赤烽鎮敗之四年四月流長孫無忌於黔州閏月如東都皇太子監國五年正月如并州次長平賜父老布帛二月赦并州民年八十以上版授刺史縣令賜脯三日祠舊宅三月皇后宴親族隣里於朝堂

會命婦於內殿婦人八十以上版授郡君賜氍毹粟帛講武於城西以蘇定方為神兵道大總管新羅王金春秋為嶠夷道總管伐百濟四月如東都五月作八關宮以阿史德樞賓為沙磧道總管伐契丹七月廢梁王忠為庶人八月蘇定方及百濟戰敗之俘百濟王以獻如許州十二月獵於安樂川如東都阿史德樞賓及契丹戰敗之龍朔元年四月以任雅相為涇江道總管契苾何力為遼東道總管蘇定方為平壤道總管蕭嗣業為扶餘道總管程名振為鏤方道總管龐孝泰為沃沮道總管率三十五軍伐高麗八月蘇定方及高麗戰於涇江敗之九月及皇后幸李勣第十月如東都以鄭仁

史紀 卷之十一
泰爲鐵勒道大總管蕭嗣業爲仙掌道大總管阿史那忠爲
長岑道大總管伐鐵勒二年二月麗孝泰及高麗戰於蛇水
死之三月鄭仁泰及鐵勒戰於天水敗之如河北縣如蒲州
如同州四月作蓬萊宮七月以孫仁師爲熊津道總管伐百
濟十月幸溫湯命皇太子監國十一月以蘇海政爲颶海道
總管伐龜茲海政殺崑陵都督阿史那彌射三年二月減百
官一月俸賦雍同等十五州民錢以作蓬萊宮殺駙馬都尉
韋正矩八月遣按察大使於十道九月孫仁師及百濟戰於
白江敗之十月詔皇太子五日一至光順門監諸司奏事小
事決之十二月命西安都護高賢伐弓月麟德元年二月如

福昌宮如萬年宮八月幸舊第十二月殺西臺侍郎上官儀
殺庶人忠二年二月如東都十月如泰山大有年乾封元年
正月封於泰山禪於社首以皇后爲亞獻大赦改元賜文武
官階勲爵民年八十以上版授刺史司馬縣令婦人郡縣君
七十以上賜爵一級民酺七日女子百戶牛酒免所過今年
租賦幸曲阜祠孔子贈太師二月如亳州祠老子追號太上
玄元皇帝縣人宗姓給復一年六月高麗泉男生請內附遣
契苾何力爲遼東安撫大使率兵援之八月殺始州刺史武
惟良淄州刺史武懷運九月總管龐同善及高麗戰敗之十
二月以李勣爲遼東道大總管率六總管兵伐高麗二年二

月禁工商乘馬九月以餌藥命皇太子監國李勣及高麗戰於新城敗之總章元年二月皇太子釋奠於國學李勣敗高麗克扶餘南蘇木底蒼巖城四月贈顏回太子少師曾參太子少保有慧星出於五車避正殿減膳撤樂詔內外官言事九月李勣敗高麗王高藏執之以獻有事於南郊咸亨元年四月吐蕃陷龜茲撥換城廢安西四鎮以薛仁貴爲邏娑道大總管伐吐蕃高麗酋長鉗牟岑叛寇邊以高侃爲東州道總管李謹行爲燕山道總管伐之七月旱減中御諸廐馬薛仁貴及吐蕃戰於大非川敗績八月以穀貴禁酒閏月皇后以旱請避位以姜恪爲涼州道大總管伐吐蕃是歲大饑二

年正月如東都皇太子監國十月求明禮樂之士四年八月以不豫詔皇太子聽諸司啓事上元元年二月以劉仁軌爲雞林道大總管伐新羅八月皇帝稱天皇皇后稱天后追尊六代祖妣增高祖太宗及后謚大赦改元賜酺三日十二月蔣王暉自殺二年正月吐蕃請和二月劉仁軌及新羅戰於七重城敗之四月天后殺周王妃趙氏天后殺皇太子五月追號皇太子爲孝敬皇帝六月立雍王賢爲皇太子儀鳳元年三月如東都閏月吐蕃寇鄯廓河芳四州以周王顯爲洮河道元帥領劉審禮等十二總管相王輪爲涼州道元帥領契苾何力等軍伐吐蕃八月停南北中尚梨園作坊減少府

周王即中
宗

雜匠二年十月徙封顯爲英王更名哲十二月募關內河東
猛士伐吐蕃三年正月以李敬玄爲洮河道大總管伐吐蕃
遣使募河南河北猛士伐吐蕃四月大赦九月李敬玄劉審
禮及吐蕃戰於青海敗績審禮死之十月停劔南隴右歲貢
調露元年五月作紫桂宮六月命吏部侍郎裴行儉伐西突
厥九月行儉敗西突厥執其可汗都支十月突厥寇邊遣單
于大都護府長史蕭嗣業伐之十一月以裴行儉爲定襄道
大總管伐突厥永隆元年二月如汝州温湯如少室山如東
都三月裴行儉及突厥戰於黑山敗之四月如紫桂宮七月
吐蕃寇河源李敬玄及吐蕃戰於湟川敗績突厥寇雲州都

督竇懷哲敗之八月廢皇太子爲庶人立英王哲爲皇太子
開耀元年正月突厥寇原慶二州以裴行儉爲定襄道大總
管伐突厥滅殿中太僕馬省諸方貢獻免雍岐華同四州
歲租河南河北一年調二月皇太子釋奠於國學五月定襄
道副總管曹懷舜及突厥戰於橫水敗績河源軍經略大使
黑齒常之及吐蕃戰於良非川敗之六月永嘉郡王暉有罪
伏誅七月以太平公主下嫁赦京師閏月以餌藥命皇太子
監國裴行儉及突厥戰敗之八月以河南河北大水遣使賑
乏絕室廬壞者給復一年溺死者贈物人三段九月裴行儉
俘突厥可汗阿史那伏念以獻十一月徙庶人賢於巴州永

史綱 卷之一百七十
淳元年二月突厥寇邊三月立重照為皇太孫四月以裴行
儉為金牙道大總管率三總管兵伐突厥六月突厥寇邊嵐
州刺史王德茂死之大蝗人相食七月作萬泉宮作奉天宮
零陵王明自殺弘道元年正月突厥寇定州刺史霍王元軌
敗之三月突厥寇單于都護府司馬張行師死之四月如東
都五月突厥寇蔚州刺史李思儉死之八月皇太子朝於東
都皇太孫留守京師九月以太平公主子生赦東都十月幸
奉天宮皇太子監國十二月丁巳帝崩在位三十四年年五
十六謚曰天皇大帝葬乾陵論曰小雅云赫赫宗周褒姒滅
之是時幽王雖亡而太子宜臼立詩人乃言滅之者以為文

謚得不通

武之業於是蕩盡東周不能復興矣曰滅甚疾之之辭也武
氏之亂唐之宗室戕殺殆盡賢士大夫十喪八九太宗之遺
德餘烈幾於遂絕其為惡豈褒姒之比耶太宗昧於知子卒
用昏童高宗溺愛衽席貽禍邦家嗚呼父子夫婦之間可不
慎哉

中宗孝和皇帝諱哲高宗第七子也永隆元年立為皇太子
弘道元年十二月高宗崩甲子太子即皇帝位皇太后臨朝
稱制改國號周嗣聖元年正月廢為廬陵王居於均州又遷
於房州聖曆二年復為皇太子神龍元年正月張柬之等以
羽林兵討亂丙午復位大赦賜文武官階爵免今歲租賦放

不殺三思
東之等大
失

三月兩大
赦

史綱 卷之十一
官女三千人、以相王旦爲安國相王、太尉張柬之、袁恕已、同鳳閣鸞臺三品、崔玄暉守內史、敬暉爲納言、桓彥範守納言、二月、復國號唐、貶韋承慶爲高要尉、流房融於高州、皇后韋氏復位、復宗室死於周者官爵、以武三思同中書門下三品、三月、詔文明後破家者、昭洗之、還其子孫、蔭五月、遷武氏神主於崇恩廟、立太廟社稷於東都、復周隋二王、後八月、追册妃趙氏爲皇后、祔孝敬皇帝於東都廟、皇后見於廟、幸洛城南門觀鬪象、九月、祀天地於明堂、大赦、十一月、上尊號曰應天皇帝、皇后曰順天皇后、及皇后享於太廟、大赦、幸洛城南門觀潑寒、胡戲、皇太后崩、廢崇恩廟、二年、閏月、公主開府、置

官屬、二月、遣十道巡察使、三月、殺駙馬都尉王同皎、置員外官、七月、立衛王重俊爲皇太子、流敬暉于嘉州、桓彥範于瀼州、袁恕已于環州、崔玄暉于古州、張柬之于瀧州、十二月、靈武軍大總管沙吒忠義及突厥戰于鳴沙、敗績、京師旱、河北水減膳、罷土木工、遣守侍中蘇瓌存撫河北、景龍元年、二月、復武氏廟陵、置令丞守戶如昭陵、褒德廟、榮先陵、置令丞、五月、以張仁直爲朔方道大總管、備突厥、假鴻臚卿、臧思言使突厥、死之、七月、皇太子以羽林千騎兵誅武三思、太子爲左、右所殺、十月、殺習藝館內教蘇安恒、二年、二月、進五品以上、母妻封號、無妻者授其女、婦人八十以上、版授郡縣鄉君、十

史紀 卷之一 百七十一
一月西突厥寇邊殺使者御史中丞馮嘉賓安西都護牛師
獎及西突厥戰于火燒城死之皇后妃主昭容賣官行墨敕
斜封三年二月及皇后幸玄武門觀宮女拔河爲宮市及皇
后幸太常寺七月西突厥娑葛降十一月有事于南郊以皇
后爲亞獻四年正月及皇后微行觀燈遂幸蕭至忠第次日
復微行觀燈幸韋安石長寧公主第二月及后妃公主觀三
品以上拔河三月以河源九曲子吐蕃五月殺許州司兵參
軍燕欽融六月皇后及安樂公主散騎常侍馬秦客反壬午
帝崩帝立二年被廢復位四年年五十五葬定陵帝幽廢餘
十五年及復位昏愚又甚縱艷妻信妖女尊寵三思竄殺五

王用斜封墨敕賄賂旁午以帝一身始爲母廢終爲妻其四
子皆不得其死嗣亦不傳殆天穢其德而絕之耶彼固自絕
於天云爾

睿宗皇帝諱旦高宗第八子也溫恭好學始封殷王徙封豫
王又封冀王武后廢中宗立爲皇帝及改國號周以爲皇嗣
居于東宮中宗復爲皇太子武后封帝爲相王中宗復位進
號安國相王景雲元年六月韋后弒中宗矯詔立溫王重茂
爲皇太子發諸府兵五萬屯京師以韋溫總知內外兵馬三
日乃發喪矯遺詔自立爲皇太后太子重茂卽位以相王參
謀政事大赦改元曰唐隆太后臨朝攝政罷相王政事以爲

睿宗六月
甲辰卽位
改景龍四
年爲景雲
元年未卽
位以前敘
韋氏及少
帝事故曰

太尉庚子臨淄王隆基率萬騎兵入北軍誅韋氏及安樂公主同中書門下三品韋巨源馬秦客駙馬都尉武延秀光祿少卿楊均辛丑相王奉少帝御安福門大赦賜文武官階勳爵封隆基為平王壬寅同中書門下三品紀處訥韋溫中書令宗楚客將作大匠宗晉卿司農卿趙履溫同中書令門下平章事張嘉福伏誅甲辰少帝制傳位相王相王即皇帝位大赦長流長任及流人未達者還之復重茂為溫王立平王隆基為皇太子以姚元之為兵部尚書宋璟檢校吏部尚書俱同中書門下三品廢崇恩廟吳陵順陵追廢皇后韋氏為庶人安樂公主為悖逆庶人八月譙王重福及汴州刺史鄭

愔反伏誅罷墨敕斜封官九月以唐休璟為朔方道大總管備突厥十月出義宗于太廟二年正月徙封重茂為襄王追册妃劉氏竇氏為皇后二月皇太子監國復墨敕斜封官三月作金仙玉真觀四月作玄元皇帝廟五月復吳陵順陵置官屬八月皇太子釋奠于國學十二月作潑寒胡戲先天元年正月享於太廟有事於南郊耕籍田大赦改元曰太極賜內外官階爵民醮五日版授九十八官幸安福門觀醮三日夜五月有事於北郊大赦改元曰延和賜內外官陪禮者勳一轉民醮五日六月追號大聖天后為天后聖帝以郭元振為朔方道大總管伐突厥幽州都督孫佺及奚戰於冷陁

追酺何說

山敗績七月幸安福門觀樂三日而止以旱減膳八月立皇太子為皇帝聽小事自尊為太上皇聽大事追號天后聖帝為聖后大赦改元立皇太子妃王氏為皇后十一月詔遣皇帝巡邊宋璟為左軍大總管薛訥為中軍大總管郭元振為右軍大總管二年二月追作先天元年酺六月以雨霖避正殿減膳七月詔歸政於皇帝開元四年六月甲子太上皇崩在位三年年五十五葬橋陵

玄宗皇帝諱隆基睿宗第三子也性英武善騎射始封楚王後為臨淄郡王授潞州別駕景龍四年朝京師留不遣庶人韋氏弒中宗矯詔稱制宗楚客上書稱引圖讖謂宜革唐命

是

韋氏欲害少帝及相王帝與太平公主子薛崇簡尚衣奉御王崇暉公主府典籤王師虔朝邑尉劉幽求苑總監鍾紹京長上折衝麻嗣宗押萬騎果毅葛福順李仙臯道士馮處澄僧普潤定策討亂或請先啓相王而後行事帝曰我曹為此以狗社稷事成歸王不成以身死之不欲以累王也今請而見從則王預危事不從將敗大計夜率幽求等入苑中福順仙臯以萬騎兵攻玄武門斬左羽林將韋播中郎將高嵩以狗左萬騎由左入右萬騎由右入帝率總監羽林兵會兩儀殿梓宮宿衛兵皆應之遂誅韋氏及安樂公主武延秀等比曉內外已定乃見相王叩頭謝不先啓相王抱之泣曰社稷

宗廟不墜汝之力也拜殿中監押左右萬騎進封平王同中書門下三品睿宗卽位立爲皇太子監國延和元年星官言帝坐前星有變睿宗曰傳德避災吾意已決矣七月制皇太子卽皇帝位太子惶懼入請睿宗曰此吾所以答天戒也八月皇太子卽位先天元年十月享於太廟大赦開元元年七月太平公主及岑義蕭至忠竇懷貞謀反伏誅始聽政大赦賜文武官階爵流崔湜于竇州毀天樞八月以劉幽求同中書門下三品張說爲中書令十月姚雋蠻寇姚州都督李蒙死之講武于驪山流郭元振于新州給事中唐紹伏誅獵於渭川以同州刺史姚元之爲兵部尙書同中書門下三品群

天樞見武后傳

臣上尊號曰開元神武皇帝十二月大赦改元賜內外官勳改中書省爲紫微省門下省爲黃門省侍中爲監吐蕃請和禁潑寒胡戲以盧懷慎同紫微黃門平章事二年正月以關內早求直諫停不急之務寬繫囚祠名山大川葬暴骸命并州節度大使薛訥伐契丹二月避正殿減膳撤樂突厥寇北庭都護郭虔瓘敗之慮囚三月磧西節度使阿使那獻執西突厥都擔四月停諸陵供奉鷹犬六月以太上皇避暑徙御大明宮七月焚錦繡珠玉於前殿禁采珠玉及爲刻鏤器玩者廢織錦坊薛訥及奚契丹戰于灤河敗績襄王重茂薨追册爲皇帝八月禁女樂吐蕃寇邊以薛訥爲隴右防禦大使

郭知運爲副以伐之九月作興慶宮宴京師侍老於含元殿
庭賜九十几杖八十鳩杖婦人賜於其家幸溫湯十月薛訥
及吐蕃戰於武階敗之三年正月立郢王嗣謙爲皇太子二
月赦囚非惡逆造僞者四月突厥部三姓葛邏祿來附以薛
訥爲源川鎮軍大總管郭虔瓘爲朔川鎮軍大總管備突厥
五月以旱錄京師囚避正殿減膳四年正月朝太上皇於西
宮六月太上皇崩大武軍子將郝靈佺殺突厥默啜八月奚
契丹降十月葬睿宗於橋陵十一月遷中宗於西廟十二月
定陵寢殿火以宋璟爲吏部尙書兼黃門監蘇頌同紫微黃
門平章事五年正月太廟四室壞遷神主於太極殿素服避

正殿輟視朝五日享於太極殿如東都二月大赦賜從官帛
給復河南一年免河南北蝗水州今歲租四月毀拜洛受圖
壇五月詔公侯子孫襲封七月隴右節度使郭知運及吐蕃
戰敗之九月復紫微省爲中書省黃門省爲門下省監爲侍
中十月祔神主於太廟命史官月奏所行事六年二月命朔
方道大總管王峻伐突厥十一月至自東都享於太廟元皇
帝以上三祖枝孫失官者授五品京官皇祖妣家子孫在選
者甄擇之改傳國璽曰寶突厥執單于副都護張知運七年
五月己丑朔日有食之素服撤樂減膳中書門下慮囚閏七
月以旱避正殿撤樂減膳慮囚十月作義宗廟於東都十一

見囚死流罪減等從軍未發徒以下免之也

月皇太子入學齒胄賜陪位官及學生帛八年三月免水旱州逋負給復四鎮行人家一年九月突厥寇甘源凉州都督楊敬述及突厥戰敗績契丹寇邊以王峻檢校幽州都督節度河北諸軍大使韋抗為朔方道大總管以伐之十月如長春宮獵於下邳幸温湯九年正月括田二月免天下七年以前逋負四月蘭池胡康待賓寇邊五月原見囚死流罪隨軍効力徒以下未發者七月并州長史王峻執康待賓八月蘭池胡康願子寇邊十年正月如東都四月以張說為朔方軍節度大使巡邊六月河決博棣二州七月給復遭水州九月張說執康願子十一年正月降東都囚罪杖以下原之如并

庶人卒不日無故也

州次潞州赦囚給復五年以故第為飛龍宮次并州改并州為北都赦太原府給復一年下戶三年元從家五年版授侍老及婦人八十以上官爵二月如汾陰祠后土賜文武官階勲爵帛免所過今歲稅赦京城五月復中宗於太廟遣使分巡天下六月命王峻巡邊十月幸温湯作温泉宮十一月有事於南郊大赦賜奉祠官階勲爵高年粟帛孝子順孫終身勿事天下酬三日京城五日十二年四月詔傍繼國王禮當廢屬近者封郡王七月廢皇后王氏為庶人十月庶人王氏卒十三年正月遣使宣慰天下葬朔方隴右河西戰亡者九月罷奏祥瑞十月如兗州次濮州賜河南北五百里內父老

帛十一月封於泰山禪於社首大赦賜文武官階勳爵致仕
官一季祿免所過租賜天下酺七日幸孔子宅遣使以太牢
祭墓給復近墓五戶十二月如東都十四年六月東都大風
拔木詔州縣長官言事八月河決魏州十五年震興教門觀
災八月澗穀溢毀澠池縣降天下死罪嶺南邊州流人徒以
下原之九月吐蕃寇瓜州執刺史田元獻閏月寇安西副大
都護趙頤貞敗之回紇襲甘州河南隴右節度使王君奭死
之十六年正月許徒以下囚保任營農三月免營農囚罪七
月隴右節度使張志亮克吐蕃大莫門城十一月以蕭嵩爲
兵部尚書同中書門下平章事弛陂澤禁幸寧王憲第十七

癡

年二月鶴州都督張審素克雲南昆明城鹽城四月大風震
藍田山崩七月享於太廟拜橋陵定陵獻陵昭陵乾陵大
赦免今歲稅之半賜文武官階爵侍老帛旌表孝子順孫義
夫節婦終身恤事賜諸軍行人勳兩轉十八年二月大雨雷
震左飛龍廟災四月築京師外郭五月奚契丹附於突厥六
月以忠王浚爲河北河東道元帥十九年正月殺灤州別駕
王毛仲耕於興慶宮禁捕鯉魚四月立太公廟八月以千秋
節降死罪流以下原之二十年正月以信安王禕爲河東河
北道副元帥伐奚契丹三月信安王禕及奚契丹戰於薊州
敗之五月忠王浚俘奚契丹以獻九月渤海靺鞨寇登州刺

史韋俊死之命左領軍衛將軍蓋福慎伐之以宋滑兗鄆四
 州水免今歲稅十月如潞州命中書門下慮巡幸所過囚赦
 潞州給復三年賜高年粟帛十一月如北都赦北都給復三
 年如汾陰祠后土大赦免供頓州今歲稅二十一年三月以
 韓休為黃門侍郎同中書門下平章事閏月幽州副總管郭
 英傑及契丹戰於都山死之四月遣宣慰使黜陟官吏決繫
 囚十二月以張九齡同中書門下平章事二十二年二月秦
 州地震給復壓死者家一年三人者三年四月北庭都護劉
 渙謀反伏誅五月以李林甫為禮部尚書同中書門下三品
 六月幽州節度使張守珪俘奚契丹以獻十一月免關內河

嗣謙改名
 瑛

南八等以下戶田不百畝者今歲租十二月張守珪帝曰大
 戰敗之殺其王屈烈二十三年正月耕籍田大赦八月免鰥
 寡孀獨今歲稅米二十五年四月殺監察御史周子諒廢皇
 太子瑛鄂王瑤光王琚為庶人皆殺之十二月惠妃武氏薨
 追册為皇后二十六年正月潮州刺史陳思挺謀反伏誅以
 京兆稻田給貧民禁王公獻珍物三月吐蕃寇河西崔希逸
 敗之鄯州都督杜希望克吐蕃新城六月立忠王璵為皇太
 子二十七年正月命榮王琬巡按隴右二月羣臣上尊號大
 赦免今歲稅八月磧西節度使蓋嘉運敗突騎施於賀邏嶺
 執其可汗吐火仙二十八年正月益州司馬章仇兼瓊敗吐

文子關尹
可也

蕃克安戎城十月以壽王妃楊氏爲道士號太真二十九年
正月立玄元皇帝廟五月求明道德經及莊列文子者十月
遣使黜陟官吏寧王憲薨追册爲皇帝其妃元氏爲皇后十
二月吐蕃陷石堡城天寶元年正月大赦詔京文武官材堪
刺史者自舉陳王府參軍田同秀言玄元帝降於丹鳳門通
衢二月群臣上尊號享玄元皇帝於新廟享於太廟合祭天
地於南郊大赦改侍中爲左相中書令爲右相東都爲東京
北都爲北京州爲郡刺史爲太守十二月河西節度使王倓
克吐蕃漁海遊奕軍朔方軍節度使王忠嗣及奚戰於紫乾
河敗之遂伐突厥二年正月作昇仙宮加號玄元皇帝曰大

聖祖三月享於玄元宮追號大聖祖父周上御大夫敬曰先
天太皇咎繇曰德明皇帝涼武昭王曰興聖皇帝四月隴右
節度使皇甫惟明克吐蕃洪濟城六月震東京應天門觀災
十二月海賊吳令光寇永嘉郡三載正月改年爲載二月河
南尹裴敦復討吳令光斬之八月拔悉蜜攻突厥殺烏蘇米
施可汗獻其首十二月祠九宮貴神於東郊詔天下家藏孝
經四載三月以外孫獨孤氏女爲靜樂公主嫁契丹松漠都
督李懷節楊氏女爲宜芳公主嫁奚饒樂都督李延寵八月
立太真爲貴妃九月契丹奚皆殺其公主以叛皇甫惟明及
吐蕃戰於石堡城副將褚誦死之五載正月停六品以下員

外官七月殺括蒼郡太守韋堅播川郡太守皇甫惟明十二月殺替善大夫杜有鄰著作郎王曾左驍衛參軍柳勣左司禦率府參軍王修巳右武衛司戈盧寧左威衛參軍徐徵六載正月殺北海郡太守李邕淄川郡太守裴敦復享於太廟有事於南郊大赦十月幸華清宮十一月殺戶部侍郎楊慎矜及其弟少府少監慎餘洛陽令慎名七載五月群臣上尊號大赦免來載租庸以魏周隋爲三恪八載四月殺咸寧郡太守趙奉璋閏月謁太清宮加上玄元皇帝號曰聖祖大道玄元皇帝增祖宗帝后謚群臣上尊號大赦十月特進何履光率十道兵以代雲南十一月幸御史中丞楊釗莊九載正

月詔以十一月封華嶽三月華嶽廟災關內旱乃停封九月以商周漢爲三恪十月太白山人王玄翼言玄元皇帝降於寶仙洞十二月雲南蠻陷雲南郡都督張虔陀死之十載正月朝獻於太清宮朝享於太廟有事於南郊大赦改傳國寶爲承天大寶安西四鎮節度使高仙芝執突騎施可汗及石國王四月劔南節度使鮮于仲通及雲南蠻戰於西洱河大敗大將王天運死之陷雲南都護府七月高仙芝及大食戰於怛邏斯城敗績八月范陽節度副大使安祿山及契丹戰於吐護真河敗績武庫災十一月幸楊國忠第十一年載四月戶部郎中王鐸謀反伏誅殺御史大夫王鉷六月劔南節度

使楊國忠敗吐蕃於雲南克故洪城十一月以楊國忠為右相十二載五月復魏周隋為三恪十三載二月朝獻於太清宮加上玄元皇帝號朝享於太廟增祖宗謚群臣上尊號大赦三月隴右河西節度使哥舒翰敗吐蕃復河源九曲五月觀酺於勤政樓北庭都護程千里俘阿布思以獻六月劔南節度留後李宓及雲南蠻戰於西洱河死之十四載十一月安祿山反陷河北諸郡范陽將何千年殺河東節度使楊光翽以封常清為范陽平盧節度使郭子儀為朔方軍節度副大使討安祿山以榮王琬為東討元帥高仙芝副之十二月祿山陷靈昌郡執太守郭納陷陳留郡太守張介然死之陷

滎陽郡太守崔無詖死之封常清及祿山戰於毘于谷敗績陷東京留守李憺御史中丞盧奕判官蔣清死之河南尹達奚珣叛降於祿山恒山郡太守顏杲卿敗何千年執之克趙鉅鹿等十四郡封常清高仙芝伏誅以哥舒翰統領處置太子先鋒兵馬副元帥守潼關郭子儀及安祿山將高秀巖戰於河曲敗之濟南郡太守李隨單父尉賈贲濮陽人尙衡討安祿山平原郡太守顏真卿饒陽郡太守盧全誠司馬李正討祿山十五載正月東平郡太守嗣吳王祗討祿山祿山陷恒山郡執顏杲卿袁履謙遂陷鄴廣平等九郡以李光弼為河東節度副大使討祿山以魯炁為南陽節度使率嶺南黔

征乃元耶

中兵屯葉縣安慶緒寇潼關哥舒翰敗之真源令張巡討安祿山二月李光弼克恒山郡郭子儀出井陘會光弼及祿山將史思明戰敗之賈贲戰於雍丘死之三月顏真卿克魏郡張巡及祿山將令狐潮戰於雍丘敗之殺戶部尚書安思順太僕卿安元貞李光弼克趙郡五月魯炆及祿山戰於滹水敗績奔南陽六月北海郡太守賀蘭進明克信都哥舒翰及祿山戰於靈寶西原敗績郭子儀李光弼及史思明戰於嘉山敗田將火拔歸仁執哥舒翰叛降於祿山遂陷潼關上洛郡親征以京兆尹崔光遠為西京留守招討處置使丙申行望賢宮次馬嵬左龍武大將軍陳玄禮殺楊國忠及

肅宗八月即位改至德元載

御史大夫魏方進太常卿楊暄賜貴妃楊氏死祿山陷京師次陳倉閑廐使任沙門叛降於祿山次河池郡七月次普安郡以皇太子為天下兵馬元帥都統朔方河東河北平盧節度使御史中丞裴冕隴西郡司馬劉秩副之永王璘為山南東路黔中江南西路節度使盛王琦為江南東路淮南道節度使豐王珙為河西隴右安西北庭節度使次巴西郡次蜀郡八月皇太子即皇帝位於靈武以聞上皇帝誥遣韋見素房琯崔渙奉皇帝冊於靈武十二月永王璘反廢為庶人至德二載正月誥求天下孝悌可旌者五月誥追冊謚貴嬪楊氏為元獻皇后十一月皇帝復京師以聞十二月至自蜀郡居

肅宗

於興慶宮三載上號曰太上至道聖皇天帝上元元年徙居於西內甘露殿寶應元年建巳月崩於神龍殿在位四十五年七十八葬泰陵帝開元二十年以前用姚崇宋璟韓休張九齡厲精圖治而四夷賓服衣食富足西京東都米斛直錢不滿二百行者萬里不持寸兵天寶以後志欲既滿侈心乃生忠直疎遠讒諛竝進三子無罪一日殺之祿山反叛走蜀乃還靡不有初鮮克有終諒夫論曰睿宗因其子之功而在位不久固無可稱者嗚呼女子之禍人甚矣自高宗至於中宗數十年間再罹女禍唐祚既絕而復續中宗不免其身韋氏遂以滅族玄宗親平其亂可以鑒矣而又敗以女子方

永叔諸論
亦正但文
氣甚弱不
如馬班遠
矣

未必

其勵精政事開元之際幾致太平何其盛也又侈心一動窮天下之欲不足以爲樂而溺其所甚愛忘其所可戒至於竄身失國而不悔考其始終之異至於如此可不慎哉
肅宗皇帝諱亨玄宗第三子也母貴嬪楊氏方娠時太平公主忌玄宗宮中左右持兩端纖悉必聞楊氏方娠玄宗密語侍讀張說曰用事者不欲吾生子奈何命說挾劑以入玄宗於曲室自煮之夢有介冑持戈者三環其鼎而三煮盡覆以告說說曰天命也乃止遂生肅宗初名嗣昇封陝王性純孝好學玄宗尤愛之遣賀知章潘肅等侍讀左右更名浚徙封忠王奚契丹寇邊以爲河北道元帥率御史大夫李朝隱等

八總管兵十萬以伐之。敗奚契丹於范陽，遷司徒，更名璵。皇太子瑛廢立爲皇太子，更名紹，又更今名安祿山來朝。太子識其有反相，請以罪誅之。玄宗不聽。祿山反，玄宗避賊行至馬嵬，父老遮道請留太子討賊。玄宗許之，遣壽王瑁及內侍高力士諭太子。太子乃還。六月，至涪北，便橋橋絕，募水濱居民得三千餘人，涉而濟。遇潼關散卒，收之。夕次永壽縣，吏民稍持牛酒來獻。新平郡太守薛羽、保定郡太守徐穀棄城走。太子捕得羽，殺之。次平涼郡，得牧馬牛羊，兵始振。朔方留後杜鴻漸、六城水陸運使魏少游、節度判官崔漪、支度判官崔簡、金關內鹽池判官李涵、河西行軍司馬裴冕迎太子治

兵於朔方。次豐寧，見大河之險，將保之。會天大風，迴趨靈武。七月，裴冕等請皇太子卽皇帝位。甲子，卽位於靈武，尊皇帝曰上皇天帝，大赦。改元至德，賜文武官階勳爵，版授侍老官。以裴冕爲中書侍郎、同中書門下平章事，少游大爲殿宇，象官闕。帝見之不悅，曰：我至此欲就大事，安用是爲？安祿山寇扶風，太守薛景仙敗之。十月，次彭原郡，詔御史諫官論事，勿先白大夫及宰相，鬻爵度僧尼。以房琯爲招討西京防禦蒲潼兩關兵馬元帥，兵部尚書王思禮副之。南軍入宜壽，中軍入武功，北軍入奉天。房琯以中軍北軍及祿山戰於陳濤斜，敗績。琯又以南軍戰，敗績。遣永王璘朝上皇於蜀郡，璘反。丹

徒郡太守閻敬之及璘戰於伊婁埭死之十一月郭子儀率
回紇及安祿山戰於河上敗之十二月祿山陷魯東平濟陰
潁川是歲吐蕃陷雋州嶺南溪獠梁崇牽陷容州二載正月
永王璘陷鄱陽郡安慶緒弑其父祿山河西馬兵使孟庭倫
殺節度使周泌以武威郡反二月次於鳳翔李光弼及安慶
緒戰於太原敗之關西節度兵馬使郭英乂及安慶緒戰於
武功敗績慶緒陷馮翊郡太守蕭資死之庶人璘伏誅郭子
儀及安慶緒戰於潼關敗之河西判官崔侗克武威郡孟庭
倫伏誅四月以郭子儀為關內河東副元帥七月安慶緒陷
陝郡八月焚長春宮以張鎬兼河南節度使都統淮南諸軍

宗以老
子之後先
廟享太清
官乃享太
廟已非禮
今告在郊
之先耶

事閏月安慶緒寇好時渭北節度使李光進敗之以廣平王
俶為天下兵馬元帥郭子儀副之以朔方安西回紇南蠻大
食兵討慶緒九月慶緒陷上黨郡廣平王俶及慶緒戰於澧
水敗之復京師慶緒奔陝郡尚書左僕射裴冕告太清宮郊
廟社稷五陵宣慰百姓十月廣平王俶及安慶緒戰於新店
敗之克陝郡復東京慶緒奔河北興平軍兵馬使李奐及慶
緒戰於武關敗之克上洛郡吐蕃陷西平郡安慶緒陷睢陽
太守許遠及張巡鄆州刺史姚閔左金吾衛將軍南霽雲死
之遣太子太師韋見素迎上皇於蜀郡上入京師饗於太廟
癸三日十一月張鎬率四鎮伊西北庭兵馬使李嗣業陝西

節度使來瑱河南都知兵馬使吳王祗克河南郡縣作九廟神主告享於長樂殿十二月上皇天帝至自蜀郡大赦瘞陣亡者致祭之給復其家二載免天下來歲租庸三之一禁珠玉寶鈿金泥刻繡以蜀郡為南京鳳翔郡為西京西京為中京史思明降達奚珣等伏誅乾元元年正月上皇天帝御宣政殿授皇帝傳國受命寶符冊號曰光天文武大聖孝感皇帝出宮女三千人二月安慶緒將能元皓以淄青降上上皇天帝冊號曰聖皇天帝大赦贈死事及拒偽命者官三月立淑妃張氏為皇后四月祔神主於太廟朝享於太廟有事於南郊大赦賜文武階勳爵天下非租庸毋輒役使有能賑貧

唐人上尊號甚不通

一年三大赦

窮者寵以官爵京官九品以上言事史思明殺范陽節度副使烏承恩以反九月郭子儀率李光弼李嗣業王思禮等討安慶緒十月立成王俶為皇太子大赦舉忠正孝友堪東宮官者十二月史思明陷魏州二年正月群臣上尊號祠九宮貴神耕籍田二月中書門下慮囚三月皇后親蠶九節度之師潰於滏水史思明殺安慶緒郭子儀進屯東京以旱降死罪流以下原之流民還者給復三年以郭子儀為東畿山南東河南等道諸節度防禦兵馬元帥四月王思禮及史思明戰於直千嶺敗之詔減常膳服御武德中尚作坊非賜蕃客戎祀所須者皆罷之七月以趙王係為天下兵馬元帥李光

弼副之八月襄州防禦將康楚元張嘉延反遂刺史王政九月張嘉延陷荊州史思明陷東京及齊汝鄭滑四州十月李光弼及思明戰於河陽敗之十二月康楚元伏誅思明寇陝州神策軍將衛伯玉敗之上元元年四月山南東道將張維瑾反殺節度使史翽以來瑱爲山南東道節度使討張維瑾閏月追封太公望爲武成王復死刑三覆奏大飢張維瑾降七月聖皇天帝遷於西內十一月揚州刺史劉展反陷潤州昇州二年正月劉展伏誅二月奴刺覓瑱羌寇寶雞焚大散關寇鳳州刺史蕭愷死之鳳翔尹李鼎敗之李光弼及史思明戰於北邙敗績思明陷河陽來瑱及思明戰於魯山敗之

三月史朝義寇陝州神策軍節度使衛伯玉敗之史朝義其父思明四月劔南東川節度兵馬使段子璋反陷綿州遂州刺史虢王巨死之五月史朝義將令狐彰以滑州降劔南節度使崔光遠克東川段子璋伏誅九月去乾元大聖光天文武孝感號去上元號稱元年以十一月爲歲首以斗所建辰爲名停四京號元年建子月朝聖皇天帝於西內朝獻於太清宮朝享於太廟及元獻皇后廟建丑月有事於南郊寶應元年建寅月追冊兄靖德太子琮爲皇帝妃竇氏爲皇后葬王公妃主遇害者盜發敬陵惠陵李光弼克許州史朝義陷營州建卯月停貢鷹鷄狗豹以京兆府爲上都河南府

爲東都鳳翔府爲西都江陵府爲南都太原府爲北都河東
軍亂殺節度使鄧景山都知兵馬使辛雲京自稱節度使河
中軍亂殺李國貞及節度使荔非元禮以郭子儀知朔方河
中北庭潞儀澤沁節度行營興平定國軍兵馬副元帥建辰
月大赦官吏聽納贓免罪左降官及流人罰鎮効力者還之
建巳月楚州獻定國寶玉十有三聖皇天帝崩皇太子監國
大赦改元年爲寶應元年復以正月爲歲首建巳月爲四月
閑廡使李輔國飛龍廡副使程元振遷皇后於別廡殺越王
係充王儻是夜皇帝崩在位七年年五十二葬建陵帝賴郭
丁儀李光弼等克取兩京復完唐室然藩鎮廢立因而授之

紀綱壞矣爲張后李輔國所制不朝西內可慨也夫

代宗皇帝諱豫肅宗長子也玄宗諸孫百餘人代宗最長爲
嫡皇孫聰明寬厚喜愠不形於色好學強記初名俶封廣平
王安祿山反玄宗幸蜀肅宗留討賊代宗常從兵間肅宗卽
位郭子儀等討安慶緒未克至德二載以廣平王爲天下兵
馬元帥率朔方安西回紇南蠻大食等兵二十萬進討百官
送於朝堂步出木馬門然後騎以安西北庭節度使李嗣業
爲前軍朔方河西隴右節度使郭子儀爲中軍關內節度使
王思禮爲後軍屯於香積寺敗賊將安守忠斬首六萬級賊
將張通儒守長安聞守忠敗棄城走遂克京城留思禮屯於

苑中廣平王率大軍以東安慶緒遣其將嚴莊拒於陝州廣平王戰於陝西大敗之慶緒奔河北遂克東都肅宗還京師十二月進封楚王乾元元年三月徙封成二四月立為皇太子初太子生豫州獻嘉禾至是以為祥乃更名豫肅宗去上元三年號稱元年建巳月肅宗寢疾詔皇太子監國楚州獻定國寶十有三因曰楚者太子所封今天降寶於楚宜以建元乃以元年為寶應元年張皇后惡李輔國欲圖之召問太子太子不許乃與越王係謀之肅宗疾革四月丁卯皇后與係召太子輔國止太子無入率兵殺係及兗王僩幽皇后於別殿是夕肅宗崩乃迎太子見群臣於九仙門明日發喪已

退廢已死
之詞張后
之死見本
傳

巳即皇帝位於柩前以雍王适為天下兵馬元帥五月以李輔國為司空追尊母吳氏為皇太后大赦免逋租宿負追復庶人王氏為皇后瑛瑤琚皆復封號六月追廢皇后張氏越王係兗王僩為庶人七月殺山南東道節度使裴茂劔南西川兵馬使徐知道反八月知道伏誅台州人袁晁反九月回紇請助戰袁晁陷信州十月陷温明二州詔浙江水旱州縣勿輒科率民疫死不能葬者為瘞之盜殺李輔國雍王适討史朝義克懷州敗朝義於橫水克河陽東都朝義將張獻誠以汴州降薛嵩以相衛洛邢四州降張忠志以趙定深恒易五州降十二月太府左藏庫火燹京城內外暴骨舒州人楊

昭反殺刺史劉秋子。廣德元年正月，以劉晏同中書門下平章事。史朝義自殺，其將李懷仙以幽州降。田承嗣以魏州降。山南東道節度使來瑱有罪，伏誅。六月，同華節度使李懷讓自殺。七月，群臣上尊號，大赦，免民逋負。戶三丁，免其一庸調。給復河北三年。回紇行營所經，免今歲租，賜內外官階勳爵。給功臣鐵券，藏名於太廟。圖形於凌烟閣。吐蕃陷隴右諸州。八月朔，方河北副元帥僕固懷恩反。九月，遣裴遵慶宣慰。僕固懷恩涇州刺史高暉叛，附於吐蕃。十月，吐蕃陷邠州。寇奉天。武功京師戒嚴。以雍王适爲關內兵馬元帥。郭子儀副之。上如陝州。次華陰。豐王珙有罪，伏誅。吐蕃陷京師，立廣武王。

承宏爲皇帝。上次陝州。吐蕃潰。郭子儀復京師。十一月，廣州市舶使呂太一反。逐節度使張休。十二月，至自陝州。放承宏於華州。吐蕃陷松維二州。西原蠻陷道州。二年正月，詔舉堪御史諫官。刺史縣令者，立雍王适爲皇太子。以郭子儀兼河東副元帥。二月，僕固懷恩殺朔方軍節度留後渾釋之。朝獻於太清宮。朝享於太廟。有事於南郊。大赦。賜內外官階爵。四月，禁錮作珠翠。七月初，稅青苗。十月，吐蕃寇邠州。寇奉天。京師戒嚴。嚴武克吐蕃鹽川城。朔方兵馬使郭晞及吐蕃戰於邠西，敗之。突厥寇豐州。守將馬望死之。十一月，吐蕃軍潰。京師解嚴。袁晁伏誅。免越州今歲田租之半。給復溫台明三州。

一年西原蠻陷邵州永泰元年正月歙州人殺刺史龐濬平
 盧淄青兵馬使李懷玉逐節度使侯希逸八月僕固懷恩及
 吐蕃回紇党項羌渾奴刺寇邊九月命百官觀浮屠像於光
 順門吐蕃寇醴泉奉天党項羌寇同州渾奴刺寇蓋屋京師
 戒嚴屯於苑郭子儀屯涇陽同華節度使周智光入邠州殺
 刺史張麟焚坊州十月沙陀殺河西節度使楊志烈吐蕃至
 邠州與回紇寇奉天寇同州寇興平回紇党項羌請降郭子
 儀及吐蕃戰於靈臺敗之京師解嚴閏月朔方副將李懷光
 克靈州劔南西山兵馬使崔玘反寇咸都節度使郭英乂奔
 靈池普州刺史崔澄殺之是月歛民貲作浮屠供大曆元年

一月吐蕃遣使來朝九月吐蕃陷原州十一月大赦給復流
 民歸業者三年十二月周智光反殺虢州刺史龐充以鄭王
 邈為天下兵馬元帥二年正月郭子儀討周智光智光伏誅
 同華將李漢惠以同州降給復同華二州二年八月殺駙馬
 都尉姜慶初九月吐蕃寇靈州寇邠州郭子儀屯涇陽京師
 戒嚴十月朔方節度使路嗣恭及吐蕃戰於靈州敗之京師
 解嚴三年二月商州兵馬使劉洽殺刺史殷仲卿五月追號
 齊王倓為皇帝六月幽州兵馬使朱希彩殺節度使李懷仙
 自稱留後七月瀘州刺史楊子琳反陷成都劔南節度留後
 崔寬敗之克成都八月吐蕃寇靈州寇邠州京師戒嚴邠寧

節度使馬璘及吐蕃戰敗之九月吐蕃寇靈州朔方將白元光敗之又敗之於靈武京師解嚴十二月涇原兵馬使王童之謀反伏誅四年正月殺潁州刺史李岵三月遣御史稅商錢免京兆今歲租五年三月內侍監魚朝恩有罪自殺以昭陵皇堂有光赦京兆關輔四月湖南兵馬使臧玠殺團練使崔灌錄魏徵王珪李靖李勣房玄齡杜如晦之後湖南將王國良反及西原蠻寇州縣六年四月藍田西原地陷五月殺殿中侍御史陸珽成都府叅軍李少良大理評事韋頌七年五月以旱大赦減膳徹樂秋盧龍將李懷瑗殺節度使朱希彩經畧軍副使朱泚自稱留後十月以淮南旱免租庸三之

二八年正月詔京官三品以上及郎官御史歲舉刺史縣令一人八月廢華州屯田給貧民九月循州刺史哥舒晃反殺嶺南節度使呂崇賁詔京官五品以上兩省供奉官郎官御史言事十月吐蕃寇涇邠九年二月徐州兵亂逐刺史梁乘十年正月昭義軍兵馬使裴志清逐節度使薛萆叛附田承嗣田承嗣反陷洛州二月陷衛州刺史薛雄死之河陽軍亂逐三城使常休明三月陝州軍亂逐觀察使李國清四月命河東節度使薛兼訓等討田承嗣五月魏博將霍榮國以磁州降震闕門六月成德軍節度使李寶臣及田承嗣戰於冀州敗之八月田承嗣寇磁州昭義軍節度使李承昭及承嗣

戰於清水，敗之。貴妃獨孤氏薨，追冊爲皇后。十一月，魏博將吳希光以瀛州降，嶺南節度使路嗣恭克廣州，哥舒晃伏誅。十一年正月，田承嗣降。五月，汴宋都虞侯李靈耀反，殺濮州刺史孟鑿。七月，田承嗣寇滑州，永平軍節度使李勉敗績。八月，淮西節度使李忠臣、河陽節度使馬燧討李靈耀，戰於鄭州，敗績。十月，戰於中牟，敗之。淮南節度使陳少遊及李靈耀戰於汴州，敗之。承嗣以兵援靈耀，李忠臣敗之於匡城。靈耀伏誅。十二年三月，赦田承嗣、中書門下平章事元載有罪，伏誅。四月，以楊綰爲中書侍郎、常袞爲門下侍郎、同中書門下平章事。詔諫官獻封事，勿限時；側門論事者，隨狀而奏。六品

以上官言事投匭者，無勅副章。七月，詔尚書御史大夫左右丞、侍郎舉任刺史者，京兆尹黎幹言：「涇水爲磴，壅不得溉。田詔撤磴，以水與民。齊國公主下降郭曖，有磴，旬留。帝曰：「若可爲諸戚，倡卽日毀之。」十三年十月，禁京畿持兵器捕獵。十四年二月，魏博節度使田承嗣卒，兒子悅自稱留後。三月，汴宋將李希烈逐節度使李忠臣，自稱留後。五月辛酉，帝不豫，詔皇太子監國。是夕，帝崩，在位十八年，年五十三。葬元陵。論曰：天寶之亂，大盜遽起，天子出奔，方是時，肅宗以皇太子治兵，討賊得其職矣。然以僖宗之時，孰與天寶之際，而僖宗在蜀，諸鎮之兵，糾合戮力，遂破黃巢，復京師，由是言之，肅宗雖不

建成死後
高祖心與
太宗矣

即尊位亦可以破賊矣。自高祖以來，三遜於位，以授其子，獨
睿宗發於誠心。若高祖、玄宗，豈其志哉？代宗之時，餘孽猶在，
平亂守成，亦中材之主也。

古之著書立言者，本其人之所好，又無成例以拘之。如左
氏之稱君子曰：蓋無多也。史漢人立一論，亦其意之所欲
言也。唐宋以後，修史必奉勅矣。非其所好，又拘以成例。人
既猥多，無甚短長，論亦無甚痛癢，乃或數人作一論，或一
卷作一論，大率酬應故事耳。如唐書論玄宗而綴睿宗於
前，論肅宗而綴代宗於後，蓋原本以睿宗為一卷，肅宗為
一卷也。論因卷作宋遼
金史皆然，永叔亦爾耶。

史緯卷一百七十終

